

ԱԶԳԱՅԻՆ-ԵԿԵՂԵՑԱԿԱՆ ՍՐԲԱԳՈՒՄԱՐ ԺՈՂՈՎԸ

(ՆՈԿՏԵՄԲԵՐ 26-28, 1999 թ.)

Չորս ամիսներ առաջ էր, 1999 թ. հունիսին, երբ ողջ հայության սիրտը ալիքվեց ու ճնկվեց Գարեգին Ա Վեհափառ Նայրապետի վախճանման վշտից:

Ամենքի հոգիներին կապարի ծանրությամբ իջավ Մայր Աթոռ Ս. Էջմիածնից ստացված մահագույժ լուրը.

«Ն.Ս.Օ.Տ.Տ. Գարեգին Ա Վեհափառ Նայրապետը ոչ ևս է: Երկարամյա ու ծանր հիվանդությունից հետո Ամենայն Հայոց 131-րդ Կաթողիկոսը հանգչեց ի Տեր... «Յիշատակն արդարոյն օրհնութեամբ եղիցի»:

Նիրավի, ծանր է կորուստը ընդանիքի հոր, առավել ծանր, երբ հայրական այդ կերպարի մեջ համաձուլված ու զուգակշռված են ամենաբազմազան ձիրքեր ու շնորհներ, երբ այդ կերպարի հետ բազմաթիվ երազներ ու իղձեր կան կապված:

Սակայն, **«ով կարող իցէ քննել զխորս Աստուծոյ»**, ինչպես իրավացիորեն բարբառում է սաղմոսերգուն, **«մեկնեցաւ ի մէնջ հոգի արդարոյն»**, և հավատարմորէն հայորդիք անձկությամբ սպասում էին կաթողիկոսական նոր ընտրություններին:

Գարեգին Ա Վեհափառ Նայրապետի մահվանից հետո Կաթողիկոսական Տեղապահ ընտրված Տ. Ներսես արքեպս. Պոզապալյանի և Երուսաղեմի ու Պոլսո հայոց Պատրիարքներ Տ. Թորգոմ արքեպս. Մանուկյանի և Տ. Մեսրոպ արքեպս. Մուրաֆյանի նախագահությամբ պարբերաբար գումարվող Եպիսկոպոսաց ժողովներում մեկ առ մեկ կանոնակարգվում ու կազմակերպչական համապարասխան աշխատանքներ էին կատարվում կաթողիկոսական ընտրությունների անցկացման համար:

Եպիսկոպոսաց ժողովի կողմից որոշում է կայացվում Ազգային-եկեղեցական ժողովը (այսուհետև՝ ԱԵԺ) գումարել հոկտեմբերի 26-31-ը:

Կազմակերպչական ընթացիկ աշխատանքներն իրականացնելու համար ընտրվում է եռանդամ հանձնախումբ, որի կազմում ընդգրկվում են ԱՄՆ հայոց Արևմտյան թեմի առաջնորդ Տ. Վաչե արքեպս. Նովսեփյանը (աբենապետ), և հանձնախմբի անդամներ՝ Ուկրաինայի հայոց թեմի առաջնորդ Տ. Նաթան եպս. Նովհաննիսյանը և Հարավային Ռուսաստանի հայոց թեմի առաջնորդ Տ. Եզնիկ եպս. Պետրոսյանը:

Հանձնախմբի ջանադիր աշխատանքի արդյունքում արդեն հոկտեմբեր ամսվա առաջին կեսին ԱԵԺ-ի գումարման համար լուծվել էին կազմակերպչական բոլոր խնդիրները: Թեմերից ամբողջովին ստացվել էին անհրաժեշտ

փաստաթղթերը և ճշտվել ժողովին մասնակցող պարզամավորների անունները: ԱԵԺ-ին մասնակցելու իրավունք էին ստացել 456 պարզամավորներ:

ՆՈԿՏԵՄԲԵՐԻ 26, ԵՐԵՔՇԱԲԹԻ

Ս. ՊԱՏԱՐԱԳ ԵՎ ՆԱՂՈՐԴՈՒԹՅՈՒՆ

Անցան ԱԵԺ-ին նախորդած փոքր-ինչ լարված իրավիճակները, ու բորբոքված կրքերը մարեցին, և արդեն հոկտեմբերի 26-ի առավոտյան երկրագնդի փարբեր անկյուններից ի մի խմբված հայորդիները սեփական առաքելությունը գիտակցողի վստահաքայլ ընթացքով մուտք գործեցին Մայր Աթոռ Ս. Էջմիածին:

Այդ օրը բազմամարդ էր Մայր Աթոռի շրջափակը: Կարծես հայոց հին օրերի պարմությունը հյուսող պարմիչների երկերի էջերից կենդանացել էին երբեմնի հովվապետների ընտրություններին մասնակցած հայորդիները. «Եւ ժողովէին երիցունք և սարկաւագունք բազում. և նախանձաւոր պաշտաւնեայք և համարէն ուխտ սրբոյ Եկեղեցոյ, իշխանք ամենայն՝ գաւառապետք, գաւառակալք պետք, բռնաւորք, գաւրագլուխք, հազարաւորք, կուսակալք, ազապք կողմանց կողմանց, աւագ նախարարք աշխարհին Նայոց՝ որք էին նախանձախնդիր արինաց և սրբութեան, յընտրել և կարգել քահանայապետ Եկեղեցոյ Քրիստոսի» (Կանոնագիրք):

Կապույտ երկնքի վրա գրոհած ամպերի ետևից մերթ ընդ մերթ ճառագող արեգակի շողերն առավել տեսանելի էին դարձնում Մայրավանքի շրջափակում հավաքվածների դեմքերին արտահայտվող ներքին հուզումն ու սպասողականությունը: Ամենքին հուզում էր մեկ խնդիր. ո՞վ է լինելու Լուսավորչի գահի ժառանգորդը:

Ժամը 10.00-ին Մայր Տաճարում դողանջող զանգերը ազդարարեցին Ս. Պարարագի սկիզբը:

Խորհուրդ խորին...

Այո, խորին խորհուրդ էր:

Պարարագիչն էր Վիգեն եպս. Այբագյանը: Պարարագի ընթացքում հնչած աղոթքներն ու սրբասացություն-մեղեդիները, խունկի հոտի քաղցրածավալ փարածումով, կրոնաբույր հաճելի մթնոլորտ էին ստեղծում: Ս. Պարարագի ընթացքում պարզամավորները հաղորդություն ստացան՝ ճաշակելով Քրիստոսի Մարմինն ու Արյունը: Տաճարում շրջում էր կարծես երջանկահիշարակ Գարեգին Ա Նայրապետի հոգին, և Մայր Տաճարի

պատերից արձագանքում էր նրա հզոր ձայնը. «**Վերադարձ արմատներին ու ինքնությանը**»:

Կաթողիկոսական Տեղապահի ու Պապրիարք Նայրերի նախագահությամբ հոգևորականաց ու աշխարհականաց դասը հավարտ Ս. Պապարազի, որպես ինքնությանը դառնալու մի հանգրվան, բոլորվեց հանգուցյալ Գարեգին Ա Կաթողիկոսի շիրմի շուրջ և հարգանքի փուրք մաքուցեց երանաշնորհ Նայրապետի հիշատակին. կատարվեց Նոգեհանգստյան պաշտոն: Նոգեհանգստից հետո բոլոր պարգամավորները հավաքվեցին Ս. Էջմիածնի Նոգևոր Ճեմարանի նախկին շենքում՝ սիրո ճաշի, որից հետո Վեհարանի ԱԵԺ-ի նախապարաստման գրասենյակում ժամը 14.00-ին սկսվեց պարգամավորների հաշվառումը, որի ընթացքում արձանագրվեցին 451 պարգամավորներ:

ՆԱՄԵՐԳ ԵՎ ՇՆՈՐհԱՆԴԵՍ

ՖԻԼՆԱՐՄՈՆԻԱՅԻ ՓՈՔՐ ԴԱՆԻՃՈՒՄ

Բավականին ժամանակ փնած գրանցումից հետո պարգամավորներն աստիճանաբար հեռացան՝ ոմանք Երևան՝ իրենց իջևանած հյուրանոցները, մյուսները՝ հոգևորականներից շաբերը՝ Մայրավանքում իրենց համար պարաստված հյուրասենյակները:

Երեկոյան ժամը 20.00-ին պարգամավորներին նոր անակնկալ էր սպասվում: 1700-ամյակի փոնակապարտության վարիչ-քարտուղար Մեսրոպ արքեպս. Աշճյանի նախաձեռնությամբ Երևանի Ֆիլհարմոնիայի փոքր դահլիճում կազմակերպվել էր երեկույթ՝ նվիրված հոգելույս Գարեգին Ա Նայրապետի հիշատակին: Ճիշտ ժամանակին դահլիճում պարկառելի հասարակություն էր հավաքվել՝ հոգևորականաց դասը՝ գլխավորությամբ Կաթողիկոսական Տեղապահ Տ. Ներսես արքեպս. Պոգոսյանի, Պապրիարքներ Տ. Թորգոմ արքեպս. Մանուկյանի, Տ. Մեսրոպ արքեպս. Մուրաֆյանի, և աշխարհական անձինք:

Երեկույթի ընթացքում ներկաներին հաճելի փրամադրություն պարզեց խմբավար Նարություն Թովիկյանի կամերային երգչախումբը: Վերջինիս կատարմամբ հնչեցին Կոմիտասի և Բարսեղ Կանաչյանի սպեղծագործությունները: Նայրագրի երաժշտական մասի ներկայացումից հետո փեղի ունեցավ Գարեգին Ա Վեհափառ Նայրապետի հիշատակին նվիրված գրքի շնորհանդեսը:

Նախորդ պարունակում է հանգուցյալ Վեհափառ Նայրապետի և իրավացի երիտասարդ աստվածաբան Զովաննի Գուայրայի երկխոսությունները, որոնց ընթացքում նախաձեռնող հեղինակի հարցերին փված պարասխաններում լավագույնս արտացոլվում են հոգելույս Գարեգին Ա

Վեհափառ Նայրապետի եկեղեցաբանական ըմբռնումներն ու խորհրդածական բազմաձայք աշխարհը:

Նշենք, որ հապորը նախապես պալագրվել էր ֆրանսերենով և ապա թարգմանվել հայերենի: Նիրավի հանգուցյալ Վեհափառ Նայրապետի հիշարակին մարուցված հարգանքի ու խոնարհումի ինքնօրինակ այս պուրքը հաջա երեկույթին ներկա հայորդյաց ևս մեկ անգամ շեշտում էր Ամենայն Տայոց Կաթողիկոսի բարձր դերը և լռելյայն առավել նախանձախնդրություն ներշնչում կաթողիկոսական նոր ընտրությունների նախաշեմին:

27 ՆՈԿՏԵՄԲԵՐ, ՉՈՐԵՔՇԱԲԹԻ

ՆԻՍՏԻ

ԱԶԳԱՅԻՆ-ԵԿԵՂԵՑԱԿԱՆ ԺՈՂՈՎԻ ԲԱՅՈՒՄԸ

Առավոտյան ժամը 10.00-ին Վեհարանի հանդիսությանց դահլիճում սկսվեց Ազգային-Եկեղեցական սրբազումար ժողովի առաջին նիստը:

Աշխարհի չորս ծագերից հավաքվել էին բազմաթիվ հայորդիներ՝ քարքեր իրենց հագուկապերով, քարքեր հեքաքրքրություններով ու աշխարհայացքներով և հայերենի արքաբերման առողջանությանը նրանց, սակայն, միավորում էր Մայր Աթոռ Ս. Էջմիածնի ու հայրենի եզերքի նկատմամբ սերը և հանուն հայրենական սրբությունների բոլորանվեր զոհաբերության պարաստակամությունը: Ժողովին ներկա լրագրողների կրծքերին փակցված հավաքարմագրերը ցոլացնում էին լրագրային աշխարհի գեղեցիկ խճանկարը:

Պարգամավորներն ըստ թեմերի քեղեր գրավեցին դահլիճում ցուցանակներով սահմանագծված համապարասխան շարքերում, և ԱԵԺ-ի կազմակերպման հանձնախմբի արենապետ Տ. Վաչե արքեպս. Նովսեփյանը, ողջունելով ժողովականներին, ժողովը հայտարարեց բացված: Ապա Սրբազան Տայրը քեղեկացնելով, որ ընտրված 455 պարգամավորներից նախորդ օրը գրանցվել է 451 հոգի, կարարեց պարգամավորների ստուգում: Տաշվառումների արդյունքում պարզվեց, որ ժողովին ներկա են 440 պարգամավոր (բացակայում էին 11 պարգամավոր):

Այնուհետև ժողովասրահ մուտք գործեցին Կաթողիկոսական Տեղապահ Ամենապարիվ Տ. Ներսես արքեպս. Պոգապալյանը, Երուսաղեմի ու Պոլսո հայոց Պարրիարքներ Տ. Թորգոմ արքեպս. Մանուկյանն ու Տ. Մեսրոպ արքեպս. Մութաֆյանը, ովքեր քեղեր գրավեցին ժողովի նախագահությունում: Ժողովի նախագահության հեք դահլիճ մուտք գործեց նաև Կրոնի գործոց պետական խորհրդի նախագահի պաշտոնակատար Լևոն Մկրտչյանը:

Պետք է նշել, որ, ըստ նախապես կազմված ժամանակացույցի, նիստին ներկա էր լինելու նաև ՆՆ նախագահ Ռ. Քոչարյանը: Նանրապետության նախագահը, սակայն, պետական անհետաձգելի գործերի պարճառով նիստից առաջ հայտնել էր իր՝ ժողովին մասնակցել չկարողանալու մասին: Այս իսկ պարճառով Կաթողիկոսական Տեղապահը ձայնը քվեց ՆՆ նախագահի կողմից լիազորված Լ. Մկրտչյանին: Վերջինս ներկաներին դիմեց հետևյալ խոսքով.

«Ամենապարիվ Կաթողիկոսական Տեղապահ, Ամենապարիվ Պապրիարքներ, Սրբազան Նայեր, Գերագույն Նոգևոր Խորհրդի անդամներ, Ազգային-Եկեղեցական ժողովի պարգամավորներ.

Թույլ քվեք ՆՆ նախագահի, ԱԺ նախագահի, վարչապետի անունից ողջունել Ազգային-Եկեղեցական ժողովին, որը պետք է ընտրի Ամենայն Նայոց 132-րդ Նայրապետին: Այսօր Մայր Աթոռ Ս. Էջմիածին է սկսված համայն հայության ուշադրությունը, և դա բնական է, քանզի Նայ Առաքելական Եկեղեցին հիմնարար և առանձնահատուկ դերակատարություն ունի մեր պարմության մեջ: Նայ հոգևորականը դարեր շարունակ իր հոգի հետ քրկացել է փորձություններին՝ խաչով, խոսքով, գործով, և ի հարկին սրով պաշտպանել և գորավիզ է եղել հայրենիքին, նրա անկախ պետականությանը: Նախապես վերջինիս կորստից հետո Եկեղեցին իրականացրել է նաև հայապահպանության ծանր ու պարասխանաբու առաքելությունը: Այն հզոր մի պարվար է եղել, որը պահպանել և սերունդներին է հասցրել հայ հոգևոր մշակույթի հարստությունը: Վստահ ենք, որ ժողովը, հավարարիմ պարմական ավանդույթներին, կկարողանա արժանիների մեջ ընտրել Ս. Գրիգոր Լուսավորչի գահի ժառանգորդին, որը հայ ժողովրդին կառաջնորդի դեպի 21-րդ դար:

Յանկանում ենք Ձեզ սրեղծագործական աշխատանք՝ ի փառս հայ ժողովրդի և հայրենիքի»:

Տիար Լևոն Մկրտչյանի ողջույնի խոսքին հաջորդեց Կաթողիկոսական Տեղապահ Ամենապարիվ Տ. Ներսես արքեպս. Պոզապալյանի հաշվետու գեկույցը, որում Սրբազան Նայը հանգամանալից կերպով անդրադարձավ քեղապահության չորս ամիսների ընթացքում կարարված աշխատանքներին (գեկույցը քեն էջ 85):

Խոսքի ավարտին Կաթողիկոսական Տեղապահը շնորհակալություն հայտնեց եպիսկոպոսաց դասին, Մայր Աթոռի ողջ միաբանությանն ու պաշտոնետությանը, ինչպես նաև ՆՆ պետական այրերին՝ ԱԵԺ-ի կազմակերպման աշխատանքներին սարարելու համար:

Այնուհետև ձայնը քրվեց ԱԵԺ-ի կազմակերպման հանձնախմբի արենապետ Տ. Վաչե արքեպս. Նովսեփյանին: Վերջինս ընդհանուր գծերով

ներկայացրեց ժողովի կազմակերպման ընթացքը, ինչպես նաև քննարկվելիք հարցերի ցանկը:

Ապա ժողովի նիստը նախագահող Երուսաղեմի հայոց Պատրիարք Տ. Թորգոմ արքեպս. Մանուկյանի գլխավորությամբ անցում կատարվեց օրակարգի հաջորդ հարցին՝ դիվանի ընտրությանը:

Նախ ընտրվեցին արենադպիրները: Ընտրության արդյունքում առաջին արենադպիր դարձավ **Աբրահամ եպս. Մկրտչյանը** (առաջնորդ Սյունյաց թեմի), իսկ երկրորդ արենադպիր՝ **Գրիգոր վրդ. Մագսուդյանը** (ԱՄՆ Արևելյան թեմ):

Ապա նաև ընտրվեցին դիվանի անդամները.

1. **Տ. Սերովբե վրդ. Իսախանյան** (Գերմանիայի թեմ)
2. **Տ. Դերենիկ արեղա Դավթյան** (Գուգարաց թեմ)
3. **Տ. Արշակ քին. Խաչատրյան** (ԱՄՆ Արևմտյան թեմ)
4. **Տ. Արամ քին. Նունանյան** (Նարվ. Ռուսաստանի թեմ)
5. **Տ. Շնորհք քին. Դեմիրճյան** (ԱՄՆ Արևմտյան թեմ)
6. **Տ. Նարեկ քին. Բերբերյան** (ԱՄՆ Արևելյան թեմ)
7. **Անդրանիկ Զինգյուս** (ԱՄՆ Արևմտյան թեմ)
8. **Դոկ. Սարգիս Քեհյայան** (Գերմանիայի թեմ)
9. **Խաժակ Քոնիալյան** (ԱՄՆ Արևմտյան թեմ)
10. **Եղիա սրկ. Զենդյան** (ԱՄՆ Արևմտյան թեմ)
11. **Պարույր սրկ. Տեր-Մկրտչյան** (ԱՄՆ Արևմտյան թեմ)
12. **Անդրանիկ Զորանյան** (ԱՄՆ Արևմտյան թեմ)
13. **Վարուժան Ալթբարմաքյան** (ԱՄՆ Արևմտյան թեմ)
14. **Արեն Զեբեջյան** (ԱՄՆ Արևելյան թեմ)

Վերջիններիս պարտականության մեջ էր մտնում բաց քվեարկությունների ընթացքում քվեների հաշվումը և պարզամավորների՝ ձայն խնդրելու դեպքում ժողովի նախագահին տեղյակ պահելը:

Այնուհետև տեղի ունեցան ԱԵԺ-ի դիվանի արենապետի և փոխարենապետի ընտրությունները:

Արենապետի ընտրության համար առաջարկվեցին երկու թեկնածուներ՝ Սերգեյ Նամբարձումյան (Արարատյան Նայրապետական թեմ) և Սիմոն Եզնիկ Պալյան (ԱՄՆ Արևելյան թեմ): Ձայների գերակշռող մեծամասնությամբ արենապետ ընտրվեց ԳԱԱ փոխնախագահ, ակադեմիկոս **Սերգեյ Նամբարձումյանը**, իսկ **Սիմոն Եզնիկ Պալյանը** քվեարկվեց և ընտրվեց փոխարենապետի պաշտոնում:

Դիվանի ընտրությունից ու ձևավորումից հետո եկավ այն պահը, երբ պետք է ճշգրտվեին անունները Ամենայն Հայոց Կաթողիկոսի ընտրություններում քվեարկվելիք թեկնածուների:

Ըստ օրինի, թեկնածուներ են համարվում Նայ Եկեղեցու բոլոր եպիսկոպոսները, քանի դեռ հանդես չեն եկել ինքնաբացարկով: Այս իսկ պարճառով ԱԵԺ-ի կազմակերպման հանձնախմբի արենապետ Տ. Վաչե արքեպս. Նովսեփյանը մեկ առ մեկ ընթերցեց բոլոր եպիսկոպոսների անունները: Արդյունքում մնաց երկու թեկնածուի անուն.

1. Տ. Ներսես արքեպս. Պոզապալյան,

2. Տ. Գարեգին արքեպս. Ներսիսյան:

ԸՆՏՐՈՒԹՅՈՒՆ

ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ

Այս որոշակիացումից հետո հայրարարվեց ընդմիջում, որից հետո՝ ժամը 14.30-ին, ԱԵԺ-ի բոլոր պարզամավորները հավաքվեցին Մայր Տաճարում, որտեղ նախ կարարվեց հաշվառում: Ներկա էին 450 պարզամավոր:

Ապա սրեղծվեցին աշխարանքային հերևյալ երեք հանձնախմբերը՝

1. Բվեախույզ հանձնախումբ՝

Տ. Աղան արքեպս. Պալիոզյան (Առաջնորդ Ավստրալիայի հայոց թեմի)

Տ. Ավագ արքեպս. Ասատուրյան (Առաջնորդ Իրաքի հայոց թեմի)

Աշոտ Ղազարյան (Արարարյան Նայրապետական թեմ)

Արթո Բասմաջյան (Կանադայի հայոց թեմ)

Սուրեն Սահակյան (Նարավային Ռուսաստանի թեմ)

Մարտին Թադեոսյան (Շիրակի թեմ).

2. Առաջարկներ բանաձևող հանձնախումբ՝

Տ. Զավեն արքեպս. Չինչինյան (Առաջնորդ Եգիպտոսի հայոց թեմի)

Տ. Գարեգին արքեպս. Բեգջյան (Առաջնորդ Գերմանիայի հայոց թեմի)

Տ. Նորվան եպս. Զաքարյան (Արևմտյան Եվրոպայի հայրապետական պարվիրակի փոխանորդ)

Ռաֆայել Պապայան (Անդամ Գերագույն Նոգևոր Խորհրդի)

Լուիզ Բակար (Կ. Պոլսի Պապրիարքություն).

3. Գնահատանքի և շնորհակալության հանձնախումբ՝

Տ. Նաթան եպս. Նովհաննիսյան (Առաջնորդ Ուկրաինայի հայոց թեմի)

Տ. Եզնիկ եպս. Պետրոսյան (Առաջնորդ Նարավային Ռուսաստանի հայոց թեմի)

S. Արարապ ծ. վրդ. Գալթաքչյան (Կանադայի հայոց թեմ)

S. Եղիշե ավագ քին. Սարգսյան (Մայր Աթոռ Ս. Էջմիածնի միաբանություն):

Այնուհետև Կաթողիկոսական Տեղապահ S. Ներսես արքեպս. Պոզապալյանի երդմնեցուցությամբ կապարվեց պապգամավորների երդման արարողությունը, որի ընթացքում պապգամավորներն ուխտեցին ընտրությունը կապարել բացառաբար խղճի մտքի և Եկեղեցու գերագույն շահը նկատի առնելով՝ վեր ամեն փեսակ անձնական ու նեղ հաշիվներից:

«Ես, ի ներքո սորին անուանեալ աշխարհական պապգամատր Ամենայն Հայոց Կաթողիկոսի ընտրութեան, խոստանամ և երդնում Ամենակարողն Աստուած՝ առաջի Սրբոյ Աւետարանի Նորա առ այն՝ թէ ցանկամ և պարտիմ յայսմ առաջիկայ ընտրութեան Ծայրագոյն Պապրիարքի և Կաթողիկոսի Ամենայն Հայոց վասն բարձրագոյն կառավարութեան Սուրբ Եկեղեցոյ Հայաստանեայց և փեսչութեան եկեղեցականաց նորին ըստ մաքուր խղճի մտաց և պարտուց իմոց առանց իրիք աչառութեան և անձնական ակնկալութեանց, ի բաց հերքելով յինէն զամենայն մախանս թշնամութեան և կամ զորպիսի և իցէ շաղկապս մերձատրութեան և բարեկամութեան, ընտրել ի միջոյ հոգևորականաց հայրենի՝ Հայաստանեայց Եկեղեցոյն իմոյ զայնպիսի անձն, զոր ըստ յարկութեանց հանճարոյ և խղճի մտացն առաւել ընդունակագոյն և արժանատրագոյն համարիմ ես, և յորմէ ակն ունիմ, զի ի կապարումն պարտատրութեանց իւրոց՝ զորս դնէ ի վերայ նորա վեհ աստիճանն այս հոգևոր, հանդիսացուցէ նա զինքն ջերմեռանդն պաշտօնեայ Աստուծոյ և հոգունակ փնօրէն բարօրութեան և օգտի Եկեղեցոյն Քրիստոսի և նմա հաւաքացեալ Հայրապետական իշխանութեանն ի վերայ բանատր հօտին Քրիստոսի:

Իսկ եթէ այլազգ վարեցից, յայնժամ իբրև անհոգ զօգտէ Եկեղեցոյ և ճշմարիտ որդւոց նորին, յորում է սեպիական օգուտն իմ, արկանենմ զանձն իմ ընդ մեղադրանօք եղբայրակցաց իմոց և ի հանդերձելումն պարասխանապրտութեան առաջի Աստուծոյ և ահեղ դաւաւարանի Նորա: Ի վախճան երդման իմոյ վասն անաչառ ընտրութեան համբուրեմ զԲան և զԽաչ Փրկչին մերոյ»:

Առհասարակ, կաթողիկոսական ընտրությունները անցկացվում են երեք փուլով: Առաջին փուլից հետո մնում են առավելագույն ձայներ ստացած առաջին երեք թեկնածուները, երկրորդ փուլից հետո՝ երեքից երկուսը, իսկ երրորդ քվեարկությամբ արդեն որոշվում է Ամենայն Հայոց Կաթողիկոսի անունը: Սակայն այս անգամ, քանի որ ի սկզբանե իսկ թեկնածուները երկուսն էին, ժողովում որոշում կայացվեց ընտրված համարել նրան, ով

կհարեր առկա ձայների հիսուն րոկոս՝ գումարած մեկ սահմանագիծը, այսինքն՝ 226 ձայն:

Նախապարասրական այս աշխարանքներից հետո սկսվեց բուն քվեարկությունը: Նուգումն ու լարումը դարձել էին բոլոր ներկաների և Մայր Տաճարի բակում ու նույնիսկ Մայրավանքի մուտքի դարպասի առջև խոնված հավաքացյալ հայորդիների ու լրագրողների ներքին ապրումների գերակշռող զգացումը:

Մեկ ժամ, երկու, երեք ... Ժամանակը կարծես կանգ էր առել: Բակում ներկա եղողներից ոմանք խումբ-խումբ հավաքվել էին, վերլուծումներ ու ենթադրություններ էին անում, ուրիշները «գաղտնագողի» մոտեցել էին Տաճարի դռներին և փորձում էին որսալ ամեն մի շուկ ու ձայն, որը քիչ թե շատ պարկերացում կարար ներսում ծավալվող դեպքերի ընթացքի մասին:

Եվ այս պահին ... Անթեղված ուրախության ու ցնծության այս պահին, որ ուր որ էր, պետք է թնդային ընտրյալ նոր Կաթողիկոսին ողջունող ծափերն ու աղաղակները, Տաճարի շուրջ հավաքվածների միջով կարծես մի սառը հոսանք անցավ: Մի քանիսը վազբով հեռացան, մյուսների դեմքերը գունաւոր, ճեփ-ճերմակ էին դարձել: Ամենուր քչփչում ու փազնապահար քննարկում էին ինչ-որ հարց, որը նույնիսկ անձանոթ դիպորդի համար պարզ կլիներ, թե որևէ առնչություն չունի Տաճարում Կեղի ունեցող իրադարձության հետ:

Վերջապես պայթեց բոթը: Ազգային ժողովում Կեղի էր ունեցել անկանխադեսելին: Ահաբեկչական գործողությանը զոհ էին գնացել հայոց պետական-քաղաքական ընտրանու ականավոր այրեր՝ ԱԺ նախագահ Կարեն Դեմիրճյանը, ՆՆ վարչապետ Վազգեն Սարգսյանը, ԱԺ նախագահի Կեղակալներ Յուրի Բախշյանը և Ռուբեն Միրոյանը, պարզամավորներ Արմենակ Արմենակյանը, Միքայել Քոթանյանը և Ներիկ Աբրահամյանը, նախարար Լեոնարդ Պետրոսյանը:

Բնականաբար, այս գույժը մթագնեց սպասվող ուրախությունը, և ամենքի մտածանքումը գերակշիռ չափով Կեղափոխվեց ողբերգական այս եղելության վրա:

Տաճարի ներսում խաղաղ էր: Դեռ ոչ ոք Կեղեկություն չունեի սահմոկեցուցիչ դեպքի մասին: Ոմանք «ավերաբերի» ոգևորությամբ փորձեցին լուրը փաճար հասցնել, սակայն, փառք Աստծու, սառնասրությունը հաղթեց, և Կեղայական կամ գուցե դիպումնավոր խանդավառությունը մարեց:

Էլի մի ժամ, կրկին Մայր Աթոռի ժամացույցից հնչեցին մի քանի զարկեր, և քվեարկությունն ավարված է:

Արդեն իր լիազորությունների մեջ մտնելով քվեախույզ հանձնախումբը, որի հետ միաժամանակ, թե՛ Տաճարի ներսում և թե՛ նրա շուրջը հավաքվածներից շարերը, չսպասելով պաշտոնական հայտարարության, ձայները մեկ առ մեկ արձանագրում էին թեկնածուներից մեկի կամ մյուսի անվան դիմաց: Իսկ այդ ընթացքում ...

- Գարեգին արքեպիսկոպոս, Գարեգին արքեպիսկոպոս, Գարեգին արքեպիսկոպոս, Ներսես արքեպիսկոպոս,- ամբողջ փարածքով արձագանքում էր քվեախույզ հանձնաժողովի անդամ Աղան արքեպս. Պալիոզյանի հարու ձայնը:

Ժամերը նորից ձգվում էին՝ առանց որոշակի պատկերացում փալու քվեարկության վերջնական արդյունքի մասին:

Վերջապես՝ ավարտվեց ...

Սառը քրփինքը, որը գոյացել էր ԱԺ-ի արյունալի դեպքերին փեղյակ մարդկանց դեմքերին, ասփռանաբար վերացավ, և Ամենայն Տայոց Կաթողիկոսի ընտրության ավարտը կարծես լույսի ու հույսի նոր շողեր պարզեց նրանց: Կատարված քվեարկության արդյունքում Ամենայն Տայոց 132-րդ Կաթողիկոս ընտրվեց Գարեգին արքեպս. Ներսիսյանը:

Ձայները բաշխվեցին հետևյալ կերպ՝

Գարեգին արքեպիսկոպոս Ներսիսյան - 276 ձայն,

Ներսես արքեպիսկոպոս Պողոսյան - 163 ձայն,

Անվավեր համարվեցին - 11 քվե

Ընդամենը՝ 450 ձայն:

Այսպիսով Ամենայն Տայոց Կաթողիկոս հռչակվեց Գարեգին արքեպիսկոպոս Ներսիսյանը և վերանվանվեց

Գարեգին Բ Տայրապետ:

Անմիջապես հետո նորընտիր Գարեգին Բ Կաթողիկոսը Տայրապետական գավազանը ձեռքին բարձրացավ Իջման Ս. Սեդան և հավաքացյալներին հղեց իր անդրանիկ պատգամը (փես էջ 6), որում իր ջերմ սերն ու նվիրումը արտահայտելով Տայոց դարավոր Եկեղեցու նկատմամբ՝ Աստծու օժանդակությունը հայցեց՝ ծանրագույն լուծը պարվով փանելու համար: Ընթացքում խոսքը մի պահ ընդմիջվեց: Տայրապետին փոխանցեցին մի երկփող, և դեղնավուն թղթիկի վրա հապճեպորեն արված խճրճոցի բովանդակությունը այլափոխեց Վեհափառի դեմքը:

Տեղեկացավ ...

Ցնցումը մեծ էր. և փոքր-ինչ դադարից ու ինքնաբերապետումը վերագրնելուց հետո Վեհափառ Տայրապետը կատարվածի մասին փեղյակ պահեց նաև ներկաներին, և սրտաբուխ աղոթքով առ Աստված, որպեսզի Տերը հանգստություն շնորհի ննջեցյալների հոգիներին և խաղաղություն՝ Տայասարան աշխարհին, ավարտեց:

Տնչեցին Մայր Տաճարի զանգերը՝ ցնծագին ու հանդիսավոր: Ե՛վ ուրախություն, և՛ թախիծ, և՛ փազնապ, և՛ հույսի շողարձակում կար ամենքի դեմքին:

Տակասական ու իրարամերժ զգացումները հաջորդում էին մեկը մյուսին:

Բայց՝ Էջմիածինը հաղթեց ...

ՌԱՍԻՆՈՒ ԿԱԳՂԱԳԻՅԷ



ՄԺՈՍՏՈՎ ԿԱՏՈՒՄԻ ԿՏՁԱԼՈՅԵՆԷ ՍԿՏՈՐԱՆԻ



«Է՛ջ Միաձինն ի Տօրէ

Եւ լոյս փառաց ընդ նմա»:

Ննչեցին հաղթական երգի բառերը. և «փառքի լոյսը» նոր հույսերով ու մխիթարություններով ի բաց վանեց հուսաբեկումն ու թախիծը: «Փառքի լոյս»-ով էլ Գարեգին Բ նորընտիր Նայրապետի գլխավորած հոգևորականաց ու աշխարհականաց թափորը դանդաղաքայլ մուտք գործեց Վեհարան: Գահասրահում պարգամավորներն ու ներկաները սրացան Վեհափառի անդրանիկ օրհնությունն ու աջհամբույրով իրենց բարեմաղթանքները հայրենեցին նորընտիր Նայրապետին:

28 ՆՈԿՏԵՄԲԵՐ, ՆԻՆԳՇԱԲԹԻ

ՆԻՍՏ II

Նախորդ օրվա ծանրաբեռնված աշխատանքներից հետո ԱԵԺ պարգամավորներն ու մեծաթիվ լրագրողներ կրկին հավաքվել էին Վեհարանի հանդիսասրահում՝ մասնակցելու երկրորդ նիստին: Մի քանի րոպե անց սրահ մուտք գործեց նորընտիր Գարեգին Բ Նայրապետը՝ Երուսաղեմի հայոց Պապրիարք Թորգոմ արքեպս. Մանուկյանի և Կ. Պոլսո հայոց Պապրիարք Մեսրոպ արքեպս. Մութաֆյանի ուղեկցությամբ:

Շաբաթի դեմքերին զգացվում էր նախորդ օրվա ուժգին ցնցման հոգնությունը: Նորընտիր Նայրապետը ինքն էլ մտախռով էր և ավելի ինքնամփոփ. ուշքն ու միտքը երեկ կատարված ողբերգական դեպքերն էին, որոնց չարաբասարիկ հեղինակները փակավին ձերբակալված չէին և ԱԺ-ում պատանդ էին վերցրել շուրջ հիսուն պարգամավորների:

Նիստը բացվեց: Բոլորը ջերմեռանդ արտասանեցին «Նայր մեր»-ը, ապա Վեհափառ Նայրապետը «Նոգոց» արտասանեց ահաբեկչական գործողությանը զոհ գնացած նահապետների հոգիների համար: Այնուհետև ի լուր ներկաների ընթերցվեց Գարեգին Բ նորընտիր Կաթողիկոսի ցավակցական գիրը՝ ուղղված ՆՆ նախագահ Ռ. Քոչարյանին և համայն հայ ժողովրդին (տես էջ), որում Նորին Սրբությունն իր վրդովմունքն ու վիշտն էր հայտնում եղերական ոճի առիթով: Խոսքի ընթացքում սրացվեց ահաբեկիչների ձերբակալման և պատանդ պարգամավորների ազատ արձակման լուրը, որը նյարդային ու լարված մթնոլորտը բավականին մեղմեց, և ժողովն անցավ օրակարգային իր հաջորդ խնդրին:

Չայնը փրվեց ԱԵԺ կազմակերպման հանձնաժողովի արենապետ Վաչե արքեպս. Նովսեփյանին: Վերջինս, որ հոգելույս Գարեգին Ա Նայրապետի օրոք գլխավորում էր Նայց. Առաքելական Եկեղեցու Սահմանադրության պարրասարման աշխատանքները, առաջարկեց, որ ԱԵԺ-ը որոշում կայացնի, «որ նորընտիր Ամենայն Հայոց Կաթողիկոսը 2000 թ. հունիս

ամսվա մեջ ներկայացուցչական ժողով հրավիրի՝ բոլոր Եպիսկոպոսների և թեմական խորհուրդներից մեկական ներկայացուցիչների մասնակցությամբ, և լիազորի ներկայացուցչական ժողովին, որպեսզի այն Նորին Սրբության նախագահությամբ հանգամանորեն նկարի առնի Եպիսկոպոսաց ժողովից բերված հարցերը և ներկայացված կանոնադրության վերջին նախագիծը, և այն վավերացնելուց հետո ուղարկվի բոլոր թեմերին՝ առ ի գործադրություն»:

Այս խնդրի հետ կապված ուրիշ առաջարկներ ևս եղան, և քվեարկությամբ որոշվեց Եպիսկոպոսաց և թեմական խորհուրդներից լիազորված մեկական պարվիրականների համադրել ժողովը՝ նորընտիր Նայրապետի նախագահությամբ, գումարել ոչ ուշ, քան 2000 թվականի հոկտեմբերը: Այնուհետև ներկաներին ընթերցվեց ԱԵԺ-ի ուղերձը ՆՆ նախագահ Ռ. Զոչարյանին և ողջ հայ ժողովրդին՝ ողբերգական դեպքերի կապակցությամբ:

Նիսարի ավարտին ամփոփիչ խոսքով հանդես եկավ նորընտիր Գարեգին Բ Կաթողիկոսը: Իր երախտագիտությունը հայրնելով բոլոր պարգամավորներին ու ներկաներին՝ ԱԵԺ-ի ընթացքում դրսևորած պարասխանավորության համար, Նորին Սրբությունը, վկայակոչելով ստեղծված բացառիկ իրավիճակը, ԱԵԺ-ն փակված համարեց:

Ժողովականները երգեցին «Նայր մեր»-ը, և նորընտիր Նայրապետը «Պահպանիչ»-ով ամենքի համար Տիրոջ պահպանությունը հայցելով՝ հրաժեշտ փվեց ներկաներին:

Նաջորդ երկու օրերին Վեհափառ Նայրապետի նախագահությամբ փեղի ունեցան Եպիսկոպոսաց ժողովներ, որոնց ընթացքում քննության առնվեցին այն խնդիրները, որոնք դեպքերի բնականոն ընթացքի դեպքում պետք է քննարկվեին ԱԵԺ-ում: Որոշվեց նաև նախապես հոկտեմբեր 31-ին նախապեսված նորընտիր Նայրապետի Ձեռնադրության և Օծման արարողությունները հետաձգել:



ԱՋԳԱՅԻՆ ԵԿԵՂԵՑԱՆԻ ԺՈՂՈՎԻ ԸՆԹԱՑՔՈՒՄ

1994

მედიკოსი, პედაგოგი და მწერალი

